



დუშეთის მუნიციპალიტეტი

სარემონტო–სამონტაჟო სამუშაოების (CPV - 45200000) შესყიდვა გამარტივებული
ელექტრონული ტენდერის საშუალებით

სატენდერო დოკუმენტაცია

ქ. დუშეთი

2013 წელი

სარჩევი

1. ინსტრუქცია ტენდერში მონაწილეთათვის	3
2. საკვალიფიკაციო მოთხოვნები	7
3. ტექნიკური პირობა	8
4. სახელმწიფო შესყიდვების ხელშეკრულების პროექტი	11
5. რეკვიზიტები (დანართი №3)	15
6. დამატებითი ინფორმაცია (დანართი № 4)	16

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე.

1.2. სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარო გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

1.3 ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით, ტენდერში მონაწილეობის საფასური შეადგენს 50 ლარს.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში, ელექტრონული გარანტიის წარდგენა და საფასურის გადახდა ყოველ კონკრეტულ ტენდერში შესაძლებელია განხორციელდეს სისტემის გამოყენების გარეშე.

1.6 ამ ინსტრუქციის 1.5 პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.7 ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს.

1.8 მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.9. სატენდერო წინადადება შედგება სატენდერო წინადადების ფასისაგან და ტექნიკური დოკუმენტაციისგან.

1.10 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.11 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.12 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.13. ძირითად დროში უფლება გაქვთ ცვალოთ თქვენი ფასი, კლესადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.14. ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.15. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.16. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.17. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.18. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.19. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.20. თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.21. იმ შემთხვევაში, თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.22. პრეტენდენტის დისკვალიფიკაცია ხდება შემდეგ შემთხვევებში:

ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოდგენილობის ან/და ხარვეზის მქონე მონაცემების წარმოდგენისას.

ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ) სატენდერო განცხადებისა და სატენდერო დოკუმენტაციის მოთხოვნებს;

დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში ;

ე) პრეტენდენტის მიერ არაკეთილსინდისიერი ქმედების განხორციელებისას.

1.23 ამ ინსტრუქციის 1.22 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.24 გამარტივებული ელექტრონული ტენდერის ან ელექტრონული ტენდერის ჩატარებისას, „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მე - 2 მუხლის პირველი პუნქტის „ჟ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უზრუნველბა პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია საკვალიფიკაციო მონაცემების დამადასტურებელი დოკუმენტების წარმოდგენილობის ან/და ხარვეზის მქონე საკვალიფიკაციო მონაცემების დამადასტურებელი დოკუმენტების წარმოდგენის შემთხვევაში.

1.25 იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.24 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.26 ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.27 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი იქნება ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.28 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.29 სახელმწიფო შესყიდვების ერთიან ელექტრონულ სისტემაში (შემდგომში–სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.30 ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.31 პრეტენდენტს არა აქვს უფლება წარმოადგინოს ალტერნატიული წინადადება.

2. საკვალიფიკაციო მოთხოვნები

2.1 საკვალიფიკაციო მოთხოვნები: საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1 იურიდიული პირებისათვის:

- ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;

2.1.2 ფიზიკური პირებისათვის:

- ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების გაცემის თარიღი არ უნდა უსწრებდეს სატენდერო წინადადებების მიღების დაწყების თარიღს;

2.3. ამ პუნქტის 2.1.1 და 2.1.2 ქვეპუნქტით გათვალისწინებული, ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, წარმოდგენილ უნდა იქნეს შემსყიდველი ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

2.4. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შესაძლებელია შემსყიდველ ორგანიზაციაში შესაბამისი ელექტრონული ფოსტის მისამართზე, ხოლო დედნის სახით წარმოდგენილი უნდა იქნას ხელშეკრულების გაფორმების დროს. საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდინს ამ პრეტენდენტის დისკვალიფიკაციას.

2.5 ანგარიშსწორების პირობები:

2.5.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.5.2 ანგარიშსწორება მოხდება უნაღდო ანგარიშსწორებით ლარში.

2.5.3 ანგარიშსწორება მოხდება შესაბამისი „სამუშაოს შესრულების“ აქტის (ფორმა №2) წარმოდგენიდან 5 სამუშაო დღის განმავლობაში.

პრეტენდენტს არ აქვს უფლება წარმოადგინოს ალტერნატიული სატენდერო წინადადება

3. როგორც იურიდიული, ასევე ფიზიკური პირების საყურადღებოდ!!!

პრეტენდენტმა უნდა წარმოადგინოს შემდეგი დოკუმენტაცია:

- განფასებული ტექნიკური პირობა დანართი №1-ის შესაბამისად;
- რეკვიზიტები, დანართი №3 – ის მიხედვით;

პრეტენდენტის მიერ წარმოსადგენი მონაცემები უნდა აიტვირთოს ელ. სისტემის საშუალებით.

აუცილებელი პირობა: პრეტენდენტს სამშენებლო-სამონტაჟო სამუშაოები შესრულებული უნდა ჰქონდეს, საერთო ღირებულებით მინიმუმ 50000 ლარის ფარგლებში. აღნიშნულის დადასტურება უნდა მოხდეს შესაბამისი სამუშაოების ჩამონათვალის წარმოდგენით, თანხების და სამუშაოების შესრულების თარიღების (დაწყება-დამთავრება) მითითებით და შესაბამის სამუშაოებზე მიღება-ჩაბარების აქტებით (ატვირთეთ მიღება-ჩაბარების აქტები და შესრულებული სამუშაოების ჩამონათვალი). მოთხოვნის შემთხვევაში წარმოადგინეთ შესაბამის სამუშაოებზე გაფორმებული ხელშეკრულების ასლები.

დანართი №1

4. შესყიდვის ობიექტის ტექნიკური პირობა:

ქ. დუშეთში ადმინისტრაციული შენობის სახურავის შეკეთება

№	სამუშაოს ჩამონათვალი	განზ. ერთ.	რაოდენ.	ღირებულება	
				ერთ. ფასი	ჯამი
1	2	3	4	5	6
	<u>თავი I მოსამზადებელი სამუშაოები</u>				
1	არსებულ ლინდაოზე დაზიანებული ლითონის ფურცლების დემონტაჟი მთელ პერიმეტრზე და დასაწყობება	მ ²	235.00		
	<u>თავი II მოწყობის სამუშაოები</u>				
1	ახალი მოთუთიებული თუნუქის ფურცლების მოწყობა ორმაგი ჩამკეტით	მ ²	235.00		
2	მოთუთიებული თუნუქის ფურცელი სისქით 0,08მმ235მ ² ×1,723=404,90	მ ²	404.90		
3	ლურსმანი 235მ2X0,057=13,39	კგ	13.39		

4	არსებული წყალგამტარი ხვრეტის ფართის გაზრდა 10სმ	მ ²	4.80		
5	წყალგამტარ ნახვრეტში ლითონის ფურცლოვანას გამოკვრა $0,2 \times 0,4 \times 4 = 0,32 \text{მ}^2$	მ ²	4.80		
6	ლინდაოს და წყალგამტარ ღარში გამოკრული თუნუქის ფურცლის გადაბმის ადგილებში სილიკონის წასმა	ფლ.აკ.	3.00		
7	შენობის სახურავზე არსებული ლითონის ფურცლოვანების დაზიანებული ჩამკეტის ადგილებში სადაც ხდება წყლის გაჟონვა, თუნუქის ჩამკეტის შეკეთება და სილიკონის წასმა	ფლ.აკ.	10.00		
	I და II თავების ჯამი				
	ზედნადები ხარჯები %				
	ჯამი				
	გეგმიური დაგროვება %				
	ჯამი				
	დ.დ.გ. 18%				
	ჯამი				

სამუშაოს შესრულების ვადა: **ხელშეკრულების გაფორმებიდან 2 თვე.**

ობიექტის საგარანტიო საექსპლუატაციო პერიოდი: **მინიმუმ 5 წელი.**

პროექტი

დანართი №2

ხელშეკრულება სახელმწიფო შესყიდვის შესახებ №

ქ. დუშეთი

2013 წელი

წინამდებარე ხელშეკრულება დადებულია: ერთი მხრივ, დუშეთის მუნიციპალიტეტი, რომლის რეკვიზიტებია: მისამართი: ქ. დუშეთი, რუსთაველის ქ. N27, ს/კ 229324451, მომსახურე ბანკი – „ლიბერთი ბანკის“ დუშეთის ფილიალი, ბანკის კოდი – LBRTGE22, ა/ა GE74LB0120137474229000 – შემდგომში „შემსყიდველი“

და მეორეს მხრივ: ----- – შემდგომში „მიმწოდებელი“

მხარეები თანხმდებიან რა, რომ ხელშეკრულების მოქმედების პერიოდში, მათ შორის ურთიერთობები რეგულირდება „სახელმწიფო შესყიდვების შესახებ“ საქართველოს კანონის, „სახელმწიფო შესყიდვების სააგენტოს თავმჯდომარის 2011 წლის 7 აპრილის N9“ ბრძანების და სხვა მოქმედი სამართლებრივი ნორმების საფუძველზე, დებენ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანია: -----

2. შესყიდვის ობიექტი და შესასრულებელი

სამუშაოების აღწერილობა

2.1 შესყიდვის ობიექტია - -----

2.2 სამუშაოები შესრულებული იქნება მიმწოდებლისთვის გადაცემული ხარჯთაღრიცხვის შესაბამისად, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ჯამური ღირებულება

3.1. სამუშაოს შესყიდვის ღირებულება შეადგენს - ----- ლარს, დ.დ.გ-ს 18%-ის გათვალისწინებით.

4. შესყიდვის ობიექტის ხარისხი

4.1 მიმწოდებელი იძლევა გარანტიას, რომ სამუშაოები შესრულებული იქნება ხარისხიანად, საქართველოში მოქმედი სამშენებლო ნორმებისა და სტანდარტების შესაბამისად და დააკმაყოფილებს შემსყიდველის მოთხოვნებს.

5. შესყიდვის ობიექტის მიწოდების ვადა და ადგილი

5.1 შესყიდვის ობიექტის მიწოდების ვადაა - -----

5.2. შესყიდვის ობიექტის მიწოდების ადგილია – -----

6. ხელშეკრულების პირობების შესრულების კონტროლი და შესყიდვის

ობიექტის მიღება-ჩაბარების წესი

6.1 შესყიდვის ობიექტის მიღება - ჩაბარება განხორციელდება ორივე მხარის უფლებამოსილი პირების დასწრებით, მათ მიერ ხელმოწერილი მიღება-ჩაბარების აქტის საფუძველზე.

6.2 მიმწოდებლის მიერ სახელმწიფო შესყიდვის შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებს -----

7. ანგარიშსწორების ფორმა და ვადები

7.1 მიმწოდებელთან ანგარიშსწორება განხორციელდება ლარებში.

7.2 ანგარიშსწორება განხორციელდება უნაღდო ანგარიშსწორებით, მიმწოდებლის საბანკო ანგარიშზე.

7.3 შესაძლებელია საავანსო ანგარიშსწორება სახელშეკრულებო თანხის 50%-ის ოდენობით, ხოლო დანარჩენი 50%-ის ანგარიშსწორება განხორციელდება ეტაპობრივი გადახდის გზით, მიმწოდებლის მიერ შესრულებულ სამუშაოებზე წარმოდგენილი შესაბამისი ფორმა N2-ების საფუძველზე, 5 საბანკო დღის განმავლობაში.

8. მხარეთა უფლება - მოვალეობები

8.1 შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

8.2 შემსყიდველი ვალდებულია აუნაზღაუროს მიმწოდებელს შესრულებული სამუშაოს ღირებულება.

8.3 შემსყიდველს უფლება აქვს მიმართოს მიმწოდებელს გამოვლენილი უხარისხობისა და წუნის გამოსწორებაზე.

8.4. მიმწოდებელი საკუთარი ხარჯებით გამოასწორებს გამოვლენილ ხარვეზებს და აღმოფხვრის გამოვლენილ წუნს.

8.5 მიმწოდებელი ვალდებულია დაიცვას ხელშეკრულებით გათვალისწინებული ყველა პირობა და შეასრულოს სამუშაო სრულად და კეთილსინდისიერად.

8.6. შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.

8.7 მიმწოდებელს უფლება აქვს მოითხოვოს ხელშეკრულების ღირებულების ანაზღაურება, ხელშეკრულების პირობების შესაბამისად.

8.8. მიმწოდებელი კისრულობს ვალდებულებას, რომ დასაქმებულთა 70% იქნება საქართველოს მოქალაქე, ადგილობრივი მაცხოვრებელი.

8.9. მიმწოდებელი ვალდებულია შემსყიდველის მოთხოვნის შემთხვევაში, წარმოადგინოს შესრულებულ სამუშაოზე საქართველოს სამრეწველო-სავაჭრო პალატის შპს „საქ. ექსპერტიზას“ აქტი.

9. ხელშეკრულების პირობების შეუსრულებლობა

9.1 ფორსმაჟორული პირობების გარდა მიმწოდებლის მიერ ხელშეკრულების პირობების შეუსრულებლობის ან დაგვიანებით შესრულებისათვის გამოყენებული იქნება საჯარიმო სანქციები – ყოველი ვადაგადაცილებული დღისთვის ხელშეკრულების ღირებულების 0.1% - ის ოდენობით.

9.2 საჯარიმო სანქციების გადახდა არ ანთავისუფლებს მიმწოდებელს ძირითადი ვალდებულებების შესრულებისაგან.

9.3 ვალდებულებების შეუსრულებლობის შემთხვევაში შემსყიდველს უფლება აქვს განიხილოს ხელშეკრულების ვადამდე შეწყვეტის საკითხი.

10. ფორს - მაჟორული სიტუაციები

10.1 ხელშეკრულების დამდები მხარეების მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების პირობების შეუსრულებლობა ან შეფერხება არის ფორს - მაჟორული გარემოებების შედეგი.

10.2 ამ მუხლის მიზნებისათვის ფორს - მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დამოკიდებული მხარეთა შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იყოს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3. ფორს - მაჟორული გარემოებების დადგომის შემთხვევაში ხელშეკრულების დამდებმა მხარეებმა, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავის შეხედულებისამებრ, მიზანშეწონილობისა და შესაძლებლობებისდამხედველად აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს - მაჟორული გარემოებების ზეგავლენისაგან.

11. ხელშეკრულების პირობების გადასინჯვა

11.1 არ დაიშვება ხელშეკრულების პირობებში ცვლილებების შეტანა გარდა მხარეთა მიერ წინასწარ წერილობითი შეტყობინებისა, რომელიც გაფორმდება დანართის სახით და ჩაითვლება ხელშეკრულების განუყოფელ ნაწილად.

12. სუბკონტრაქტორები

12.1 მიმწოდებელი ვალდებულია წერილობითი სახით წარმოუდგინოს შემსყიდველს ინფორმაცია ხელშეკრულების ფარგლებში დადებული ყველა სუბკონტრაქტორის შესახებ (ასლების სახით).

12.2. მიმწოდებელს ამ ხელშეკრულების ფარგლებში, დადებული არცერთი სუბ- კონტრაქტორი არ ათავისუფლებს შემსყიდველის წინაშე ძირითადი ვალდებულებებისაგან.

12.3 იმ შემთხვევაში, თუ სუბკონტრაქტორის შეცვლის აუცილებლობა წარმოიშობა ხელშეკრულების შესრულების პროცესში, მიმწოდებელმა წერილობით უნდა აცნობოს შემსყიდველს აღნიშნულის შესახებ და მიიღოს მისგან წერილობითი თანხმობა.

13. სადავო საკითხების გადაწყვეტა

13.1 სადავო საკითხების მოგვარება მხარეებს შორის ხდება ურთიერთმოლაპარაკების გზით.

13.2 თუ მხარეები წამოჭრილ დავებს ვერ გადაწყვეტენ ურთიერთმოლაპარაკებით 30 (ოცდაათი) დღის განმავლობაში, მაშინ ნებისმიერ მხარეს შეუძლია მიმართოს შესყიდვების სააგენტოს ან სასამართლოს, კანონმდებლობით დადგენილი წესით.

14. გარანტია

14.1 მიმწოდებელი იძლევა გარანტიას, რომ აღნიშნული სამუშაოები შესრულებული იქნება ხარისხიანად, საქართველოში მოქმედი სტანდარტებისა და ნორმატივების შესაბამისად და დააკმაყოფილებს ხელშეკრულების მოთხოვნებს.

14.2 მიმწოდებელი იძლევა ვალდებულებას ხელშეკრულების ობიექტზე გამოყენებულ პროდუქციის ვარგისიანობაზე წარმოადგინოს შესაბამისი სერთიფიკატი, აგრეთვე სამუშაოს შესრულების ხარისხსა და 5 წლის განმავლობაში ხელშეკრულების ობიექტის შემსრულებლის მიზეზით წუნის გამოვლენის შემთხვევაში საკუთარი სახსრებით მის აღმოფხვრაზე, რაზეც სამუშაოს დასრულების შემდეგ უნდა წარმოადგინოს შესაბამისი საგარანტიო წერილი.

15. ხელშეკრულების შეწყვეტა

15.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან ცალკეული პირობების მოქმედების შეწყვეტის შესახებ.

15.2. ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია მიღებული გადაწყვეტილება, მისი მიღების საფუძველი და ამოქმედების თარიღი აცნობოს მეორე მხარეს, გადაწყვეტილების ძალაში შესვლიდან მინიმუმ ერთი თვით ადრე.

15.3 ხელშეკრულების ცალკეული პირობების მოქმედების შეწყვეტა არ ანთავისუფლებს მხარეებს დანარჩენი ვალდებულებების შესრულებისაგან.

15.4. ხელშეკრულების შეწყვეტა, პირობების დარღვევის გამო, არ ანთავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

15.5. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას.

ბ) საქართველოს კანონმდებლობით გათვალისწინებულ სხვა შემთხვევებში.

15.6. ამ მუხლის მე-5-ე პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოს ღირებულება.

16. სხვა პირობები

16.1 ხელშეკრულებით გათვალისწინებული სხვა საკითხები რეგულირდება საქართველოს კანონმდებლობით.

16.2 მხარეთა შორის მიმოწერა ხორციელდება ქართულ ენაზე..

16.3 ხელშეკრულება შედგენილია ორ ეგზემპლარად, ორივეს აქვს თანაბარი იურიდიული ძალა და ინახება ხელმომწერ მხარეებთან.

შემსყიდველი:

დუშეთის მუნიციპალიტეტი,

საკრებულოს თავმჯდომარე:

/ც. სადაგლიშვილი/

მიმწოდებელი:

რეკვიზიტები

1	პრეტენდენტის იურიდიული ფორმა და დასახელება	
2	ხელმძღვანელი პირის სახელი და გვარი	
3	პრეტენდენტის იურიდიული და ფაქტიური მისამართი	
4	საიდენტიფიკაციო კოდი	
5	ტელეფონის ნომერი	
6	ელექტრონული მისამართი	
7	მომსახურე ბანკი	
8	ბანკის კოდი	
9	ანგარიშის ნომერი	
10	ერთიან ელექტრონულ სისტემაში შემოთავაზებული სატენდერო წინადადების ფასი (ლარში)	

დამატებითი ინფორმაცია;

სატენდერო დოკუმენტაციასთან ერთად განმარტებების მიღება პრეტენდენტებს შეუძლია სატენდერო კომისიის აპარატში:

ქ.დუშეთი რუსთაველის ქუჩა № 27;

ტელ: 0-346-22-19-70.

ელ. ფოსტა: L.Sharashidze@yahoo.com